

## SARS & DIETŠENSI TŠA TIIŠETŠO YA MOLAO BA TŠEA MAGATO KGATLHANONG LE DITHOTO TŠEO DI SEGO MOLAONG GAPE DI SA DUMELELWAGO

**Pretoria, 27 Oktobore 2022:** Dimilione tša diranta tša boleng bja dithoto tšeo di sego molaong goba dithoto tša go se dumelelwe di amogilwe go ditshepetšo tše mmalwa tša mokopanelwa tšeo di dirilwego ka maitekelo a tirišano ka SARS mo kgweding ya go feta.

- Tshepetšo ya go otlelwa ka bohlale magareng ga dihlopha tša tiišetšo ya molao ka SARS le Ditirelo tša Maphodisa tša Afrika Borwa (SAPS) e diragetše ka la 25 Oktobore 2022 mabapi le thibelo le kgeso ya semokolo ka mellwaneng ya tsenelano le go se obamele ka go intasteri ya disekerete le metsoko.

Dihlopha tša Tiišetšo ya molao tša SARS di rometšwe ka East Rand ka Gauteng gape di be di thekgilwe ke SAPS, di hweditše theraka e fološa motsoko wo o sa kago o tšweletšwa, yeo e gononelwago go tšwa ka Zimbabwe, ka ntlophahlo. Sehlopha gape se hweditše mapokisi a mantši a motsoko wo o sa kago o tšweletšwa, wo okilego wa romelwa ka ntlophahlo mankgapele..

Go ile gwa hwetšwa gore motsoko, wo o bego o lebile Ntlophahlo ya Ponto, o ile wa fetošwa leeto ka tsela yeo e sego molaong gomme wa romelwa go ntlophahlo yeo e sa ngwadišwago. Se se kgatlanong le Molao wa Khasetomo le Motšhelophahlogae.

Dihlopha tša Mohlakanelwa tša Tiišetšo ya molao di dirile dipuruputšo ka botlalo, gomme dithoto tše di latelago di ile tša golegwa bakeng sa dinyakišišo tša go tšwetšwapele.

- Mapokisi a 472 a motsoko wo o sa tšweletšwago wa boleng bja Khasetomo bja R10 919 000 (go akaretša makgetho & Vat)
- Theraka yeo e bego e sepetša mapokisi a motsoko wo o sa tšweletšwago wa boleng bja R2 500 000.

Go dirilwe ditshwaro tše pedi gomme dinyakišišo di tšwelapele.



- Ka la 23 Oktobore 2022, moofisiri wa Khasetomo yo a šomago ka Kopfontein o dirile dipuruputšo tša theraka yeo e tsenego ka Afrika Borwa go tšwa Botswana. Moofisiri o lemogile gore melawana e mengwe e ka ba e tlotšwe

gomme a laetša mootledi go bula mapokisana a legong. Banna ba lesomeseswai ba hweditšwe ba fihlilwe ka fase ga mapokisana ka fase ga karikana. Go belaelwa gore banna ba ba tšwa Malawi gomme ba be ba leka go tsena ka Afrika Borwa ka mokgwa wo sego molaong. Kgetsi ye e ile ya šupetšwa go Kgoro ya Merero ya Selegae le SAPS.

- Magareng ga la 18 le 21 Oktobore, mafelo a tekolo a be a beakantšwe mebileng e megolo kgauswi le mollwane ka Northwest, Limpopo, le Gauteng ka nepo ya go thibela le go kgesa kgwebo yeo e sego molaong le go mokola go tshela mellwane ka dithoto tše bjale ka disekerete le ditšweletšwa tša motsoko. Dipelo ke tšeo di latelago:
  - Ka la 19 Oktobore 2022 sehlopha sa tiišetšo ya molao sa Khasetomo se emišitše le go setšha sefatanaga kantle ga Mokopane gomme sa hwetša mootledi a swere diphuthelwana tše 11 650 tša dikidibatši, tša bitšwa *Khat*, tša kimelo ya palomoka ya 249kg gape tša boleng bja R700 600. Mootledi o ile a golegwa, gomme dikidibatši di ile tša swarwa gomme tša neelwa ba Ditirelo tša Maphodisa tša Afrika Borwa.



- Gape, go tloga ka la 18 go fihla ka la 21 Oktobore ka go diprobense ka moka tše tharo, Sehlopha sa Khasetomo sa Tiišetšo ya molao se dirile dipuruputšo tša tebanyo ya bagwebi bao ba gononelwago go se obamele Molao wa Khasetomo le Motšhelophahlogae ka lebaka la kgwebo yeo e sego molaong ya disekerete le ditšweletšwa tša motsoko. Go tlola molao go akaretša go bea theko ya fase ka bofora, go hloka bohlatse bja tefelo, hlokego ya ditlankana tša maleba, dipakana tša disekerete ga di obamele Molao wa Khasetomo le Motšhelophahlogae le Ditšweletšwa tša Motsoko tše bjalo ka hlokego ya setempe sa taemane goba hlokego ya temošo ya maphelo. palomoka ya mapokisi a magolo a 81 fao le lengwe le lengwe le swerego dikhathune tša disekerete tše 50 tša boleng bja R1 277 000 di ile tša amogwa.
- Ka probenseng ya ka North-West, ditlolo tša sefahlego tša tlišogae yeo e sego molaong tša boleng bja R104 000 di ile tša golegwa ge go be go dirwa dipuruputšo.



- Tirišanommogo ya mohlakanelwa magareng ga NRRT le SAPS ka Gauteng ka la 13 Oktobore 2022 di lebišitše go kgeso le tshwaro ya dithoto tše di latelago tše di sego molaong:
  - Bjala bjo bo sego molaong, Metšhene ya go Phuthela le ya go dira Digalaki ya boleng bja R1 525 800.
  - Disekerete tše di sego molaong le ditšweletšwa tša motsoko: Makase a magolo a 653 ao le lengwe le lengwe le bego le swere dikhathuni tše 50 tša disekerete tša boleng bja R9 118 355.
  - Diaparo tša gononelo ya tlišogae yeo e sego molaong, Dilogo, Matlalo le Dieta tša boleng bja R 1 500 000.



- Sehlopha sa *Customs & Excise National Rapid Response Team (NRRT)* le SAPS se arabetše go tshedimošo yeo e filwego ya mabapi le ntlophahlo ya kgonagalo ya go ba e sware ditšweletšwa tša motsoko tšeo di sego molaong ka Fordsburg Johannesburg ka la 7 Oktobore 2022. Ka nako ya ditlhahlobo, sehlopha se hweditše ditšweletšwa tša go hlafunya tša motsoko. Morekiši ga se a kgone go fana ka bohatse bjo bo hlokegago bja tlišogae ya dithoto gomme ka lebaka leo, o ile fiwa lengwalo la tshwaro ka boleng bja R100 000 ka go letela dinyakišišo tša go tšwetšwapele ka go semokola ga ditšweletšwa tša motsoko tšeo di sego molaong.



- Ka la 29 Setemere, Dihlopha tša Tiišetšo ya molao ka SARS di tšweleditše tshepetšo ya Mokopanelwa ya Dipuruputšo magareng ga SARS/SAPS ka Johannesburg, go tsepelelo ya go kgesa dithoto tša go gononelwa tša go mokolwa tše bjalo ka diaparo, dilogwa, matlalo le dieta (CTFL). Tirišanommogo ya mohlakanelwa e lebišitše go dikgolego tše 10 tša dithoto tša CTFL, tšeo di gononelwago go ka ba di mokoletšwe ka mo nageng, ka kgonagalo ya tshelo ya molao wa Ditokelo tša Thoto ya Kelello. Dithoto tša boleng bja R31 million, di golegilwe ke SARS bakeng sa dinyakišišo tša go tšwetšwapele. Motho o tee o golegilwe bakeng sa tatofatšo tša maitekelo a pipamolomo ka ditshepetšo tša mohlakanelwa.



Khomišinare wa SARS Mnr. Edward Kieswetter o lebogišitše baofisiri wa tiišetšo ya molao bao ba bego ba amegile go ditshepetšoe tša mohlakanelwa, tšeo di lebišitšego go ditshwaro tša bagononelwa bao ba bego ba amegile go bosenyi. O boletše gore: “SARS, ka tirišanommogo le dietšensi tše dingwe tša tiišetšo ya molao, e tla tšwelapele go tiišetša gore bao ba amanago le go tshela melao ya naga ya rena ba tla lwantšhwa gomme molao o tla šomana le bona. Go balefela motšhelo bao ba sa obamelego, re rata go romela molaetša gore SARS e tla thatafaletša le go lefiša dikotlo tša godimo go bao ba amegago go ditiragalo tša bosenyi”.

Go hwetša tshedimošo enngwe, ikgokaganye le [SarsMedia@sars.gov.za](mailto:SarsMedia@sars.gov.za)